

月方備藥

包學善署

第六冊

年月

方

增

集

卷之四

四

賜名

朔方備乘



綸音

學有根柢



咸豐八年十一月二十
八日軍機大臣奉

硃筆本日召見兵部尚書陳孚
恩保奏刑部主事何秋濤翰
林院編脩郭嵩燾據該尚書
面稱該員等通達時務曉暢

戎機足備謀士之選郭嵩燾
著於十二月初二日豫備召
見何秋濤現在丁憂著將所
纂書籍先行呈覽欽此

十二月初二日軍機大
臣面奉

諭旨著仍交何秋濤繕寫清本
再行進呈欽此

咸豐九年八月二十六

日兵部尚書陳孚恩面

奉

諭旨刑部主事何秋濤所纂書

籍繕寫清本將次歲事該負
現已服闋著於校對完竣後
即將全書齎送軍機處由軍
機大臣代為呈遞不必俟汝
還京欽此

諭旨
咸豐十年正月二十日

內閣奉

上諭刑部候補主事何秋濤著
於本月二十二日豫備召見
欽此

二十二日軍機大臣奉

硃筆命何秋濤賦詩二章賦得

讀書破萬卷得書字五言八
韻賦得下筆如有神得神字
五言八韻二十四日呈進欽
此
上諭刑部主事何秋濤呈進所

纂書籍八十卷著賜名朔方
備乘此書於制度沿革山川
形勢考據詳明具見學有根
柢何秋濤著加恩俟補缺後
以負外郎即行升補竝著在
懋勤殿行走毋庸常川入直

欽此

朕聞古語有云書貴乎用
不貴乎多然其於未歸經義
而自為新奇以愚新辭其
亦為害於世則具具學亦非
計來此書於降世或華山川
某書錄八十卷卷頭以陽文

朔方備乘敘

讀光祿太子保

文華殿大學士直隸總督北洋

欽差大臣一等肅毅伯前翰林編修鴻臚

古之儒者博學而不窮故多聞多志必繼之以
精知然後略而行之未有不通天下之志而能
成天下之務者也吾觀周官所記有職方掌天
下之圖凡四夷八蠻七閩九貉五戎六狄人民
穀畜之數要無不周知其利害矣又有土方懷
方合方訓方形方及山師川師邊師匡人擇人
察宇內之土地形勢與夫山川林澤之險易且

約其瀟制著之周禮勒爲成書使學者童而習
之長而有以通知天下之故以備國家緩急之
用後之學者囿一隅之見忘深遠之慮舉四裔
之事概置之存而不論之條不亦隘乎且夫三
代之時王畿不過千里征伐不出五服猶可執
不勤遠略之說也而聖人已憂之必爲之圖設
之官著之於書使周知而預爲之防如此其至
况封建旣廢關市已通輪舶火車瞬息萬里異
域遐方邇若咫尺顧乃局守堂室視聽曾不及

聖友之乎藩籬是豈可久之計哉傳有之曰知己知彼

大學之言治平知己之學也周官之言周知知
已而兼知彼之學也自來談域外者外國之書
務爲夸誕傳會實多遊歷所紀半屬傳聞淆譌
疊出又或展轉口譯名稱互歧競尙瑣聞無關
體要以云徵信蓋亦難之不知史傳所存官私
書所紀參考互按可得而詳自非彊識洽聞精
聖脈寸心遠見之儒罕能究其源流證其得失竊見故
員外郎銜刑部主事何秋濤究心時務博極羣

書以爲俄羅斯東環中土西接泰西諸邦自我
聖祖仁皇帝整旅北徼讐威定界著錄之家雖事纂輯
未有專書秋濤始爲彙編繼加詳訂本

欽定之書及正史爲據旁采圖理琛陳倫炯方式濟張
鵬翮趙翼松筠以及近人俞正燮張穆魏源姚
瑩之徒與外國人艾儒略南懷仁雅裨理之所
論述並上海廣州洋人所刊諸書訂其舛譌去

其荒繆上溯

聖武之昭垂下及窩集之要害爲考爲傳爲紀事爲辨

正自漢晉隋唐迄於明季又自

國朝康熙乾隆迄於道光代爲之圖各爲之說凡

八十卷

文宗顯皇帝垂覽其書賜名朔方備乘進

呈之後書旋散亡吏部侍郎黃宗漢因取副本擬更
繕進復燬於火秋濤之子芳秣奉其殘稿來謁
篇帙不完塗乙幾徧鴻章爰屬編修黃彭年與
畿輔志局諸人爲之補綴排類復還舊觀圖說
刊成全書次第亦付剗剗竊謂是書所紀雖止